

Ngoenznaengz seizneix, gou dingzlai cingq caeuq doengzdoh dwkgiuz. Hoeng seizneix, baihrog gyoengqvunz dwkgiuz hoenghubhub, gou cix gven dou youq ndaw bangunhsiz, gag bouxdog, youzcaih raemxda doekbyoegbyoeg. Caen siengj mbouj daengz ha, couh youq haxbaenh, gou ngamq sou ndaej fung saenq Lozlauj, naeuz sou ndaej bonj saw gou geiq hawj de haenx, caemhcaiq docih gou hawj simnyienh gyoengqde ndaej saedyienh, lij daengq gou fuengbienh seiz bang de camndei song boux laux doengzhag de: Banh lauxsae caeuq Vuz lauxsae. Hoeng Lozlauj ha, mwngz cix mbouj rox, cingq youq haxbaenh, gou ngamq sou ndaej siusik rox Vuz lauxsae mbouj youq lo!

Geiq ndaej youq bi' gyai, gou biensij bonjsaw 《Angq Hag Sawcuengh》seiz, bae ra Vuz lauxsae, cam de rom mbouj rom miz gij go lwgnyez, danghnaeuz miz lai, ndaej romcomz baenz bonj saw ndeu couh baenz lo. Seizhaenx Vuz lauxsae naeuz miz mbouj lai, caenh miz saek song



diuz. Hoeng bi' gvaq miz ngoenz ndeu, raen de youq henz huz byaij, gou couh bae caeuq de ganggoj. De naeuz gou sij gij faenzcieng daeng youq 《Sam Nyied Sam》caeuq 《Minzczu Bau》haenx, de caemh yawj gvaq, miz gangj mingzcoh Bouxcuengh caeuq fungsug Vahcuengh Bouxcuengh daengj, caiq gya geij bien de sij caeuq Lozlauj Banhlaui sij haenx, ndaej gyoebbaenz

bonj saw ndeu lo.

Yienghneix gou couh heuh de fukyaenq gij faenzcieng gyoengqde sij haenx, caeuq duhgou geij bien baez doxgyoeb, caen ndaej bonj saw ndeu dahraix. Doenggvaq lai fueng roengzrengz doxbang, gyauyuzdingh doengzeiq youz Gvangjsih Minzczu Cuzbanjse cuzbanj, bonj saw neix heuhguh 《Mizyinx Lwnh Vahcuengh》.

Bonjlaiz, gou caeuq Vuz lauxsae doxyaeng, anbaiz youq gwn saw sij bouxlauz guh cawjbien, fouqcawj-bien, de cix naeuz, sij gou bouxdog guh bouxcawjbien, de sam boux bouxlaux guh biensij couh ndaej lo. Yienghneix, gou couh mbouj caiq caeuq de doxeuq baenzlai lo.

Couh yienghneix, gij faenzcieng sam boux de sij haenx, miz haujlai gozci yinhbyauh, cungj dwg gou cug cih cug cih dwk haeuj ndaw dennauj, caeuq gij faenzcieng gou gyonj baenz bonj saw ndeu, ginggvaq cingjleix, cij gyau hawj cuzbanjse. Cuzbanjse yaenq ok yienghgauj, ma dou youh gaj haujlai. Ngeihgauj dawz ma seiz, gaenq yaek daengz bineix ndwencieng.

Gvaq cieng gaxgonq, gou dawz gauj bae hawj Vuz lauxsae, hawj de caiq mbat yaudui gij faenzcieng gyoengqde sij haenx lij miz loek dem lwi. Gvaq cieng le, de angqvauvau dawz daeuj hawj gou. Gou caiq daj goek daengz byai yawj mbat ndeu le, couh soengq bae hawj cuzbanjse lo.

(caengz sat)

Doengzhag Donhcieuh Cingz

同学半世情

□Laot Hao' gvaogb/盛汉光

Mbwk: Guhdoh dauj lajmbwn, Mbouj un gamj fouqgviq; Guh sam mbouj baenz seiq, Lumj byaleix gungx dan.

Guhmaiq mbouj baenz maiq, Loek vaih youq gyang cin; Guhdoh dauj lajmbwn, Mbouj un gamj fouqgviq.

Caih hongrog hongranz, Cungj gag fanz gag heiq; Guh sam mbouj baenz seiq, Lumj byaleix gungx dan.

Sai: Beij ndawbiengz cix soeng, Beij ndaw doengh cix lumz; Sinhoj mbouj gag mwngz, Lajmbwn cungj miz doih.

Aenndei coq lajswiz, Aenrwix vit ndaw gumz; Beij ndawbiengz cix soeng, Beij ndaw doengh cix lumz.

Liujcouh ndwedsaengsaeng, Boux gai raemx gai fwnz; Sinhoj mbouj gag mwngz, Lajmbwn cungj miz doih.

Mbwk: Haemh siengj doz youh doz, Sinhoj caengz youh caengz; Gonq nuengx siengj mbouj daengz, Gyoh ciuhvunz mbouj liux.

Dwen vunz nuengx hix vunz, Daeuj lajmbwn vang loh; Haemh siengj doz youh doz, Sinhoj caengz youh caengz.

Nyienh dai hoz mbouj gat, Aj bak raemxda roengz; Gonq nuengx siengj mbouj daengz, Gyoh ciuhvunz mbouj liux.

Sai: Gwnz bya faex ndaemgyaemq, Miz go daem go sang; Gaej doeknaiq simfanz, Cungj miz hanz bouj sawq.

Go' mak youq henz ranz, Miz aen van aen haemz; Gwnz bya faex ndaemgyaemq, Miz go daem go sang.

Gaej doeng siengj sae ngeix, Aeuqheiq cix vaih ndang. Gaej doeknaiq simfanz, Cungj miz hanz bouj sawq.

(6)

Raeuz aen gunghcozdui Liengz-dungz, aeu daj saedsach gizneix bae guh, miz maz vwndiz cix gajgez maz vwndiz. De daez le sam aen iugouz hawj gunghcozdui: Daih' it, aeu lai lienzhaeh vunzmbanj, lai caeuq ganbu baedauq, caeuq vunzmbanj caemh gwn caemh youq, caemh guh hong, ra saek boux vunz dauj naenghdamz, caenhvaiq liujgaij cingzgvang; daih-ngeih, fatdoengh vunzlai aeu ra saek boux doxging couh baenz, gaej gaenj lai. Seizneix, gihcwngz ganbu lau gunghcozdui, lau raeuz mbouj ciuq saedsach bae gangj, lau raeuz dingq rumz couh dwg fwn, lau raeuz luenh cingj, luenh dauq gyoengqde. Raeuz itdingh aeu laeb gauhdu cwngei cwzyinganj, haeujlaeg sijsaeq diucaz ngeixyaeng, loengh cingzgvang seuq bae, mbouj saenq mbiengj ndeu; daihsam, "seiq cing" caeuq guh hong nazreih aeu doengzseiz gaem ndei, guh

hong nazreih souh geiqciet hanh, mbouj ndaej nguh, raeuz boux mbouj rox hong nazreih haenx, aeu yiengq vunzmbanj hag, hawj duigan anbaiz hong, raeuz bae gamduk.

Haeuj diemj mbouj ndaej geij nanz, couh daengz ngoenzciet bet nyied cibngux. Seizde, gij gungh-cozdui diegrog gimq guh di saeh, lumjnaeuz youq ranz ginzchung mbouj ndaej gwn noh, bae haw mbouj ndaej gwn faenj daengjdaengj. Mbangj boux

daezok, danghnaeuz cawjranz gvaq ciet dem byaek, gyoengqde baenzlawz guh? Gwn le lau famhloek, mbouj gwn youh lau duetliz ginzchung. Fanjyingj cingzgvang neix hawj Veiz Gozcingh le, de naeuz: "Raeuz youq ranz vunzmbanj "sam caemh", gyoengqde gwn gijmaz, raeuz cix gwn gijmaz, raeuz aeu aeueiq ginzchung gvaq ciet sibgvenq, gyoengqde gya byaek, raeuz caemh caez gwn, dangngoenz lai hawj haj gak ngaenzbyaek couh ndaej lo,

gaej hawj ginzchung gwnvi. Bae haw banhsaeh, dungx iek le, gwn vanj faenj mbouj suenq dwg famhloek, hoeng seizbienh bae ndaw diemqlaeuj gwn laeuj, couh mbouj cinj lubw." De youh giengzdih naeuz, boux gunghcozdui aeu gwn ndaej haemz dingj ndaej hoj, aeu lai lienzhaeh ginzchung, souj gij souj fap, hengzguh cwngecwz, guh buengjiengh ndei hawj ginzchung.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz

hong nazreih souh geiqciet hanh, mbouj ndaej nguh, raeuz boux mbouj rox hong nazreih haenx, aeu yiengq vunzmbanj hag, hawj duigan anbaiz hong, raeuz bae gamduk.

Haeuj diemj mbouj ndaej geij nanz, couh daengz ngoenzciet bet nyied cibngux. Seizde, gij gungh-cozdui diegrog gimq guh di saeh, lumjnaeuz youq ranz ginzchung mbouj ndaej gwn noh, bae haw mbouj ndaej gwn faenj daengjdaengj. Mbangj boux

daezok, danghnaeuz cawjranz gvaq ciet dem byaek, gyoengqde baenzlawz guh? Gwn le lau famhloek, mbouj gwn youh lau duetliz ginzchung. Fanjyingj cingzgvang neix hawj Veiz Gozcingh le, de naeuz: "Raeuz youq ranz vunzmbanj "sam caemh", gyoengqde gwn gijmaz, raeuz cix gwn gijmaz, raeuz aeu aeueiq ginzchung gvaq ciet sibgvenq, gyoengqde gya byaek, raeuz caemh caez gwn, dangngoenz lai hawj haj gak ngaenzbyaek couh ndaej lo,

gaej hawj ginzchung gwnvi. Bae haw banhsaeh, dungx iek le, gwn vanj faenj mbouj suenq dwg famhloek, hoeng seizbienh bae ndaw diemqlaeuj gwn laeuj, couh mbouj cinj lubw." De youh giengzdih naeuz, boux gunghcozdui aeu gwn ndaej haemz dingj ndaej hoj, aeu lai lienzhaeh ginzchung, souj gij souj fap, hengzguh cwngecwz, guh buengjiengh ndei hawj ginzchung.

(caengz sat)